

العقل

لاتقيس الذين بالعقل يا عقلي .. ونام
فيه غيبيات آمن بها بلا . مقوت
لان ايمانك بها يعني أنك في سلام
من غضب ربي وسخطه وتخريب البيوت
لاتفكر في مسائل نتايجها .. أثم
يكفي أن الوقت ملبسني من الأثم .. كوت
أثم بس أعرف ويش تالية الغرام
بين شيخان العقيدة وشيخان البشوت
تالية حب الطرفين ؟ ضيعه وانقسام
تنعكس.. على من ايدور لمضناه .. قوت
السكوت؟ ايزين لاصار من حولك كلام
بس ماهو زين لاصار من حولك . سكوت
ويش أقول؟ أقول يالله جعلهم للعدام؟
لا .. بقول .. انا أتمنى قبل عمري يقوت
وذي أنني ماتعداك يالبيت الحرام
ووذي أن آعيش فيك العمر كله وأموت
الله أكبر لا أدن المذن وكبر الامام
وأصبحو زاكين الانفاس من خلفه صنوت
وابتدا ايرتل ونظم بترتيله زحام
وانتهى من ركعته وأبتدا .. يدعو .. قنوت
الله الله الله الله .. على شعور الوثام
جعل صوت ابن سبيل بعد مليون صوت
يجعل بيوت الشياطين في عقلي .. حطام
كن صوته ينتشلني معه من بطن حوت
لاسمعته؟ يصغر الكون فعيوني .. وانام
وأمن أنني مؤمن أبما يقول .. ابلا .. مقوت

سعد بن علوش

قد عطيتك !

قد عطيتك وانت ماضنك لئيم
والنصيحة الليالي تذكره
لاتحرك جرحي الماضي الاليم
ولاتحسب ان طول بعدك طهره
كل جرح يهون بالجرح القديم
وكل شي قد مضى معك اذكره
جرحي وذكراك والليل البهيم
حزت فلوادي بمثل المنشره
العذول غراب وانما اكبر غشيم
والجروح الماء وطاريك حجره
والزمان اكرم من الحظ الكريم
لانفتح لي باب صوبك سكره
وحبك اللي لا طرى لي رحت اميم
قمت احسب اصغر كلامك واكبره
ليتني عاد الهوا توه فطيم
انعدلت لعاذلي بس خيره
مالقيت من الوفاء يا اول نديم
كون صدق الحزن وجهه وظهره
عقب رمح الشوق في وجه الصميم
سيف هجرك في قفاه وشف ثره
وانت شكلك تحسبني في نعيم
لنني اخبي صوابي واستره
لا يغرك حلم رجال حليم
مهون اللي من سكوته فجره
ولاتحسب الجفن من دمه عقيم
يستحي منك والي اقفيت انثره
ولا يغرك وان بدا جسمي سليم
والله ان جسمي سوار المقبره
والله ان امر من ضحك الغريم
شوف حقي بين اياديه اشكره
والله ان احمر من دمع اليتيم
دمعة الرجال من فرقامره

محمد بن فطيس